

[Augsburg], 1. Oktober 1568

An Johannes Crato von Kraffttheim

UB Breslau, Ms. 9820 (Rehdigeriana 246), Nr. 333 (fol. 443r-v).

Clarissimo viro, D. Ioanni Cratoni à Crafthaim, archiatro Caesareo etc. Domino et patrono suo colendo. Wien.

S. Et de catapotis è Terebinthina, mihi salutaribus, quorum et hodie 23 deglutij, et de tam propenso mei iuuandi studio, Clariss[ime] vir, Domine et patrone colende, beneficentiae tuae plurimum debo. Quòd si Badenses thermas adiunxero (quas quò minus nunc petam, praeter ἀχρηματίαν, etiam anni tempus obstat) spero profligatum iri τὴν ισχιάδα, τὴν κατισχύσασάν μου, καὶ ἀεί πως ὑπονύττουσαν, ἅμα καὶ λιθιάσει, κακίστῳ δακετῷ. D. Zwingerus sedulam mihi nauat operam, ad quem tuas vnà cum meis cras mittam. Sed lis est inter Oporinianos successores et Episcopium de meis nugis, quas dum vtrique sibi vendicant, neutri excudunt, cum vtrique mihi bonam spem faciant, meoqüe arbitratu facturos omnia polliceantur. Isocratem graecolatinum iam olim in 4. συμμορίας digessi: sed non distinctis voluminibus. Commentarios autem Isocraticos iussi quatuor distinctis tomis excudi, vt singulis sua possit addi praefatio, si visum fuerit. Est autem tomorum magna inaequalitas, ita vt primus, tres reliquos magnitudine ferè aequet, πλεονεκτικῶς μὲν, οὐχὶ δὲ καὶ ἀλόγως, τῶν αὐτῶν συνεχῶς ἐπαναπολούμενον. Patronus si quis erit, εὖ ἔσται. Si non erit: καλῶς ἔσται, et est deliberandi expectandaeqüe occasionis spacium. Vereor enim vt Oporiniani fidem seruaturi sint: et ut seruare velint, vt possint, διὰ τὴν κακογραφίαν μου: de qua viuente Oporino minus fui solicitus. Is enim quae legere non potuit, diuinavit, in paucis frustratus: qua eādem solertia vtinam et eius successores essent, praediti. Quòd E. T. τοῖς ἀστρολογικοῖς τῶν μαντευμάτων τὸ ἀνέχου καὶ ἀπέχου opponit: valde laudo. Ego etiam addo τὸ ἐπέχω καὶ διασκέπτομαι, τοῖς λογισμοῖς ἀντὶ χρησμῶν χρώμενος. Etsi enim nihil certius astrorum et motibus et effectiōibus: quid tamen in tanto mathematū neglectu, in tot Astrologorum controvērsijs, certi statui potest? Mihi quidem, quamuis plura vera experto et experiēti quam vellem, indies tamen magis ac magis ἀμφισβητήσιμον ὄναρ πολλῷ μᾶλλον τῆς Σωκράτους φιλοσοφίας εἶναι δοκεῖ ἡ πολυθρύλλητος καὶ τῷ ἐμῷ κεχαρισμένη θυμῷ ἀστρολογία. Quām enim multa in vtramque partem mihi acciderunt alio tempore, quam οἱ περίπατοι designabant, καὶ τοι ἐκ πολλῶν συμπτωμάτων ἐπανορθωθέντος τοῦ ὥροσκόπου; Non certè quidem astra errant, sed astrologi: quos falsum tempus, falsa ratio, falsa supputatio, saepissimè decipient, necesse est. Interim tamen, vt apud Aristophanem οἱ παῖδες οὐκ ἀστραγάλοις ἀλλὰ στατῆρσιν, ita nos ἀστράσιν ἀρτιάζομεν, καίπερ πλείοσι περιττῶς περιπίπτοντες. Vale et optatiss[imi] hospitis suauissimo conspectu et sapientissimis sermonibus fruere: ad quem μικρὸν ἐπιστόλιον subieci. Cal[endis] Octobris. 1568.

Hiero[nymus] Wolfius.